

中國方志叢書·華北地方·第四三九號

據

民國·張鈞修·李希白纂
民國廿七年石印本

影印

河南省

新安縣志

(四)

成文出版社有限公司印行

中華民國六十四年 月壹一版

新安縣志

全四冊

發行人：黃 成 助

出版者：成文出版社有限公司

台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

新安縣志卷十三

藝文

班史藝文專載著述後世因之遂成通例舊志雜錄詩文至三巨冊而所列書目更濫及經史體制不無稍乖茲依班史例但錄書目不載詩文惟在代著述存者無多重以兵燹頻仍散失畧盡其存者固應錄其序跋或加以提要其散失者則亦存其集名而注明原書未見以待後人之采補云

唐

趙弘智集二十卷趙弘智撰

集名見唐史本傳原書未見弘智有傳見人物

宋

錢若水集二十卷錢若水撰

集名見宋史本傳原書未見若水有傳見人物

太宗實錄八十卷錢若水撰

陳氏振孫曰錢若水等以至道三年十一月受命咸平元年八月上之九月而畢人難其速揚億傳書凡八十篇而億獨草五十六卷

晁公武曰至道三年命若水專修不隸史局若水即引柴成務宋度吳淑楊億為佐咸平元年書成上於朝起即位

止至道三年丁酉三月凡二十年初太宗有馴犬常在乘輿側及崩犬輒不食李至常作歌紀其事以遺若水其斷章曰白麟赤馬君勿書勸君書此懲浮俗而若水不為載呂端雖為監修而未常蒞局書或署端名至扶其事以為專美若水援唐朝故事若此者甚眾時議不能奪世又傳億娶張洎女而不終故洎傳多醜辭嗚呼若水及億天下稱賢尚不能免於流議如此信乎執史筆者之難也

明

續讀書錄三卷方泰撰

書名見舊志藝文原書未見泰有傳見人物

孟雲浦集八卷年譜一卷附錄一卷孟化鯉撰

四庫提要云化鯉字叔龍號雲浦新安人萬曆庚辰進士官至吏部文選司郎中持正不阿後以奏起給事中張棟先事削籍歸事蹟俱明史儒林傳化鯉少從尤時熙遊講良知之學以無欲為宗以慎獨為本其集初刻於萬曆間此本則康熙癸卯其後人所重刻也據其原目卷一為尊聞錄皆所聞於時熙之語卷二至卷五為文卷六卷七為雜著卷八為詩首冠以年譜其門人王以悟編附刻謚議像贊諸作則其後人所續輯

讀易寘言

諸儒要錄

理學言行條

名賢卓行條

焚

黃堯冠儀注等書俱孟化鯉撰書名均見呂維祺所撰理
學雲浦孟先生傳書未見

簡韻四卷王誥撰

書見舊志藝文原書未見誥有傳見人物

明德堂文集二十六卷呂維祺撰

四庫提要云維祺晚列閭難以節義顯其生平蓋至於篤
實踐履而不求以文章名世然所論建多樸實亦異乎空
談經濟之流集為崇禎庚辰吳偉業所編一名慎獨堂集
凡文十七卷詩三卷會約二卷詩錄四卷後載制義三首
又張鼎延所作全城定變記一篇紀崇禎庚辰維祺家居

土寇王之典事則康熙二年維祺子兆璜刻集時所入也
維祺字介孺號豫石河南新安人萬曆癸丑進士官至南
京兵部尚書事蹟俱明史本傳

存古齋言六卷呂維祺撰

四庫提要云是書凡十二篇首敦本次閑家次厚俗次冠
婚喪祭服式次宴會次交際次揖讓次東答大畧以朱子
家禮為主並採諸家之言為條例註釋而以箴戒格言附
於後亦司馬氏書呂氏鄉約之支流也

四禮約言四卷呂維祺撰

四庫提要云是書分冠婚喪祭四目皆因古禮之名而刪

除儀節務趨簡易以通俗易行然施之一家則可不宜制為程式以範天下也

音韻日月燈七十卷呂維祺撰

四庫提要云是書凡韻母五卷同文鐸三十卷韻鑰三十卷其說沈約知縱有四聲而不知橫有七音司馬光知橫有七音而不知縱有四等故作此三書以正其謬總名音韻日月燈象三光也亦名正韻通以遵用洪武正韻及續刊洪武通韻二書也其韻母以一百六韻為經以三十六母四等為緯而以開口合口標於部上獨音象音註於字旁其同文鐸舉一百六部之字以三十六母易其先後

大致本之韻會而註則稍減蓋通韻即孫吾與韻會定正
之改名也所註古韻通轉則吳棫韻補之緒餘耳其韻鑰
則仍以同文鐸所收之字刪其細註但互註其字共幾音
幾字以便檢尋故曰鑰自序稱同文鐸如編年此如紀傳
是也維祺於等韻之學頗有所見而於今韻古韻之源流
未能深考觀其稱古韻二百六部沈約併為一百六部則
其他可知矣

切法正指一卷呂維祺維祐同撰

維祺自序云切法正指既成呂子曰天地之道闔也闢也
清也濁也開發也收閉也惟字亦然字父聲母音音為陰

為地聲為陽為天天地合而萬物生聲音相裁而其字斯
得之矣故曰切闔闢清濁開發收閉具而切於是乎存故
曰法指南指掌直指法止矣諄諄然指之矣而或者病其
門法繁多旁門雜啟舉世無得其門而入者是不可以弗
正也故曰正指經書反切皆昉於等子首校定次發明以
示入門之法次十三門法次總括辨論次刪論旁門雜說
以示得門而入之法雖然此非斤斤為切法鵠也聲音之
道極於萬物之數本於天地陰陽律呂之和凡日月星辰
寒暑晝夜性情形體耳目口鼻皇帝王霸水火土石風雨
露雷走飛草木色聲氣味道德功力之數無一不可相通

者堯夫蓋嘗窺聲希味淡之元探月窟天根之密今皇極
經世聲音諸卷是先得我心之所同然者也故以經世圖
說終焉以明夫聲音之闡闢清濁開發收閉皆本於天地
非斤斤為切法鵠也余仲吉孺與余潛心此道凡二十餘
年而書始成與前刻同文錄韻鑰可互相發蓋心亦良苦
孝經大全二十八卷本義二卷或問三卷呂維祺撰
經義考維祺自序曰愚既著孝經本義已復櫛比諸家之
同異出入孔傳已亡鄭說無徵唐註浮譎邢疏繁蕪學莫
知所宗迨夫涑水指解紫陽刊誤庶幾學者之津筏而疑
非定筆他如董廣川程伊川劉屏山范蜀公真西山陸象

山鈞滄子宋景濂羅近溪諸君子亦各有所發明而或鮮
詮釋又如吳臨川董鄱陽虞長孺蔡弘甫朱用翰孫本朱
鴻諸家各有詮釋行於世然或是古非今牽合附會乃摭
摭羣書成大全若干卷為表上之會以恩放歸重箋訂考
經或問成編考訂義圖說外傳等若工卷以訓子弟及門
之士

孝經翼一卷口維祐撰

按呂氏家集稱此書附孝經大全之末今考大全中無
此書

清

周易淺解四卷張步瀛撰

四庫提要云步瀛字翰仙河去新安人康熙辛未進士是編題其父含命意而步瀛筆也者昔房融釋楞嚴經稱爲筆受此注經而襲佛氏之稱蓋偶未檢其凡例稱家傳易學已歷六世自其曾祖至其父與其伯叔及其弟姪均以易得科名又稱易家自明嘉隆以後穿鑿附會置本義程傳不顧惟喜新奇異說見之者蒙混支離大衆傳孔子所著庚辰房書竟認作周公語云云蓋其家傳種舉之學也

讀史津梁張步瀛撰

書名見張氏家譜原書未見步瀛有傳見人物

四書認註近思錄續朱編俱陳榕撰

書名見舊志藝文原書未見榕有傳見人物

鏡蚩堂古文二卷西鄉誌過錄一卷西鄉疾疴莖災書一卷

呂兆琳撰

書名見呂氏家集原書未見兆琳有傳見人物

孔門七十二賢考卷呂兆璜撰

書名見呂氏家集曾梓於汶上板毀兆璜明崇禎拔貢清

官汶上知縣擢解州知州補化州知州祀汶上名宦

思認堂集十卷一名澹菴文集王澤溢撰

集名見舊志原書未見

東坡集卷之十三 七 宋史一百八

鄂渚小吟一卷素園文集一卷呂賁恒撰

書之見呂氏家集賁恒字文啟由廩生任長葛縣教諭陞

武旦知縣

夢月齋詩集二十卷呂履恒撰

四庫提要云履恒字元素號坦菴河南新安人康熙甲戌

進士官至戶部侍郎此佳乃雍正乙巳其姪纘曾等校刊

詩以體分未附詩餘二十四卷前有凡例稱其詩或經歲

一改或一月數改如洛陽秋思河上寓詩之額聯嫌其

詞近七子輒加竄易金陵雜感之結句諫其涉於怒罵亦

復易之又稱盛朝詩選載其秦中懷古詩洛陽秋思詩懷